



Inatsisartunut ilaasortaq Erik Jensen, Siumut  
/Maani

## **Kangerlussuaq pillugu § 37 naapertorlugu apequteqaammut 2021-183-imut akissut**

21-12-2021  
Suliap normua:2021 21922  
ID. nr. 71103909

Asasara Erik Jensen

Inatsisartut suleriaasianni § 37 naapertorlugu Kangerlussuaq pillugu Naalakkersuisunut apequteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **1. Kangerlussuup mittarfiata iluarsanneqarnissaa siunertaralugu suliamut aqutsisooqatigiit sulinerat qanoq ingerlava?**

Akissut: Illersornissaqarfiup Kangerlussuarmi mittarfimmik atuiinnarnissaa pillugu sulinerat atallilugu, aqutsisooqatigiit ataanni teknikkikkut suleqatigiissitamik pilersitsisoqarnikuuvoq. Aqutsisooqatigiit 2022-mi ataatsimiinnissaannut piareersarnissaq ilaatigut siunertaralugu, suleqatigiissitaq 2021-mi decembarip 7-iani kingullermik ataatsimiippoq.

### **2. Sumullu killippa?**

Akissut: Nutarterinissamat sanaartornermut pilersaarut 2021-p aasaanerani suliarineqartoq, suleqatigiissitap ilaatigut eqqartorjaa. Suliap marlunnut avitaavoq ukununnga:

- 1) Mittarfiup nutarterinissaa,
- 2) Illersornissaqarfiup mittarfimmik atuiinnarnissaanut najoqqutassaq.

Sulinermi piffissaliussaq malinneqartoq suli nalilerneqarpoq. Nuummi mittarfiup atulernissaata 2024-mut kinguarneratigut, Kangerlussuarmi nutarterinissaq naatsorsuutigisamik 2025-p aallartinneranut kinguartinneqarpoq. Tamanna tikitsinnagu suleqatigiissitap sulinera naammassereersimassasoq naatsorsuutigineqarpoq.

Kalaallit Nunaannut Kangerlussuup 2024 tikillugu pingaarnertut isaaviinnarnissaani annikinnerusumik aningaasaqarnikkut kinguneqassanganneqarpoq, matumanimi Kangerlussuarmi mittarfik isumannaallisaanermut piumasaaqatinik naammassisinnaaqqullugu, ilaatigut mittarfiup nungullarsimanerata kingunerisaanik qalliuata annikinnerusumik aserfallatsaalineqartariaqarmat. Aserfallatsaaliuineramik suliagarneq tamanna 2022-imi aasaanerani pisussatut pilersaarutigineqarpoq.

### **3. Siunissami illersornissaqarfiup Kangerlussuup mittarfianik atunissaminik kissaateqarnera takornariaqarnikkut annertusaaniarnermut killilersuissava?**

Akissut: Mittarfik illersornissaqarfimmit, inuinnaallu angallanneqarnerinut atuinnaarsinnaaqqullugu nutarterneqarnissaa sulinermi tunngavigineqarmat, Kangerlussuarmut Kangerlussuarmiillu suli angalasoqarsinnaassaaq. Mittarfiup

atorneqarnera sumiiffimmi takornialerinerup ineriartortinneqarnissaanut killilersuissanganneqanngilaq.

**4. Suleqatigiisitami kikkut utaqqisaappat?**

Akissut: Massakkut arlaannaalluunniit utaqqineqanngilaq. Suleriaqqinnissami pingaarutilinnik, 2021-p aasaanerani suliat ingerlanneqarput. Apeqqut 1-imut akissut takuuk.

**5. Sunalu peqqutaava?**

Akissut: Apeqqutit 1-imut 4-mullu akissutit takukkit.

**6. Naalackersuisut allanik paasissutissaasinnaasunik peqarpat?**

Akissut: § 37 naapertorlugu apeqquteqaammut nr. 2021-130-mut akissut innersuussutigineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Mariane Paviasen